



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

III. De intellectu & affectu.

urn:nbn:de:hbz:466:1-39254

*& quasi de-
crescens af-
cendit & cre-
vit.*

**q. Luc. 14. b
& 18. c*

*Hominum
peruersitas in
ambiendis ho-
noribus.*

*r Cant. 1. a
Ad Iesum a-
lii itidem tra-
huntur, alii
ducuntur, alii
rapiuntur.*

floan, 14. b

tloan, 6. g

veniens incarnari, pati, mori ne moreremur in æternum: propter quod Deus exaltavit illum, quia resurrexit, ascendit, sedet ad Dexteram DEI. Vade, & tu fac similiter. Neque enim ascendere potes, nisi descenderis, quia ut æterna lege fixum est *I*, *Omnis qui se exaltat, humiliabitur: & qui se humiliat exaltabitur.* O perversitas, ô abusio filiorum Adam, quia cum ascendere difficillimum sit, descendere autem facillimum, ipsi, & leviter ascendunt, & difficultius descendunt, parati ad honores & celstudi-nes graduum ecclesiasticorum ipsis etiam angelicis humeris formidandos. Ad sequendum autem te Domine JESU vix inveniuntur, qui vel trahi patientur, qui velint duci per viam mandatorum tuorum. Alii enim trahuntur, qui possunt dicere *r*, *Trah me post te.* Alii ducuntur, qui dicunt: *Introduxit me Rex in cellaria sua.* Alii rapiuntur, sicut Apostolus raptus est ad tertium cœlum. Et primi quidem felices, qui in patientia sua possident animas suas: secundi feliciores, quia ex voluntate sua contentur ei: tertii felicissimi, qui in profundissima Dei misericordia, qua si quodammodo sepulta jam arbitrii sui potestate, in divitias gloriæ in spiritu ardoris rapiuntur, nescientes sive in corpore, sive extra corpus, hoc solum scientes, quod rapti sint. Beatus qui ubique te ducem habet Domine JESU, non illum refugam spiritum, qui statim ascendere voluit, & tota divinitatis dextra percussus est. Nos autem populus tuus, & oves pascuæ tuæ sequamur te: per te, ad te: quia tu es *Via, Veritas, & Vita* *S*, via in exemplo, veritas in promisso, vita in præmio. Verba enim æternæ vitæ habes, & nos cognoscimus & credimus quia tu es Christus filius DEI vivi *r*, qui es super omnia DEUS benedictus in sæcula, AMEN.

IN ASCENSIONE DOMINI:

De Intellectu & Affectu,

S B R M O III.

Hodie cœlorum Dominus, cœlorum alta cœlesti potentia penetravit, & infirma carnis tanquam nubila quædam excutiens, induit stolam gloriæ. Elevatus est Sol in ortu suo, incaluit & invaluit. Dilatavit & multiplicavit radios super terram, nec est qui se abscondat à calore eius. Rediit ad regionem Sapientiæ Sapientia Dei, ubi omnes bonum & intelligunt & requirunt, intellectu perspicacissimi, affectu paratissimi ad audiendam vocem sermonum eius. Nos autem in regione ista sumus, ubi plurimum est malitiæ, sapientiæ parum: quia *corpus quod corruptitur, aggrauat animam, & deprimit terrena inhabitatio sensum multa cogitan-* tem,

De Ascensione Domini, Sermo III. 273

tem^a. Per *sensum* hic ego arbitror intellectum designari: qui tunc *verè* deprimitur cùm multa cogitat, cùm non colligit se circa illam unam & unicam meditationem, quæ concipitur de civitate illa cuius participatio eius in idipsum. Huiusmodi intellectum oportet deprimi & distrahi per multa, multis & multiplicibus modis. *Animam* verò hic æstimo dici affectiones, quæ corrupto corpore diversis passionibus afficiuntur, quæ mitigari nunquam possunt (ne dicam sanari) donec voluntas unum querat, & tendat ad unum.

*a Sap. 9.b

Duo ergo sunt quæ in nobis purganda sunt, intellectus & affectus: *Duo in nobis purganda: intellectus, & affectus.* Intellectus ut noverit, affectus ut velit. Felices & verè felices illi duo viri Helias & Enoch, quibus omnes materiæ & occasions ablatæ sunt, quæ eorum intellectum impedian vel affectum, quia soli Deo viventes nec noverunt nisi Deum, nec cupiunt nisi Deum. Denique & de Enoch legitur * quia *raptus est ne malitia mutaret intellectum eius, aut ne fíctio de- eiperet animam illius^b*. Intellectus noster turbatus erat, ne dicam cæcatus: affectus inquinatus erat, & multum inquinatus: sed Christus intellectum illuminat, Spiritus sanctus affectum purgat. Venit enim Filius translatus Dei, & tot & tanta mirabilia in mundo operatus est, ut non immerito intellectum nostrum ab omnibus mundanis rebus evocaverit; ut semper cogitemus, & nunquam cogitare sufficiamus, quia mirabilia fecit. Verè latissimos nobis ad spatiandum intelligentiæ campos dereliquit: & torrens cogitationum istarum profundissimus est, qui juxta Prophetam non possit transuidari. Quis enim sufficiat cogitare qualiter rerum Dominus prævenerit nos, venerit ad nos, subvenerit nobis, & singularis illa maiestas voluerit mori ut viveremus, servire ut regnaremus, exulare ut repatriaremur, & usque ad servilissima opera inclinari, ut constitueret nos super omnia opera sua?

* Eccl. 44.
Enoch plau-
cuit Deo, &
est in para-
disum. at
verbæ hic ci-
tata, sed nulli
appropriata
leguntur.
Sapient. 4.
c Ezech. 47.a

Talem se obtulit Apostolis Apostolorum Dominus, ut jam non invisibilia Dei per ea quæ facta sunt intellecta conspicerent, sed ipse facie ad faciem videretur, qui omnia fecit. Et quia discipuli carnales erant, & Deus spiritus est, nec bene convenit spiritui, & carni, umbra corporis sui temperavit se eis, ut obiectu vivificæ carnis viderent verbum in carne, solem in nube, lumen in testa, cereum in laterna. Spiritus enim oris nostri Christus Dominus, cui diximus, *in umbra tua vivemus* inter gentes^d*. In umbra, inquit, tua inter gentes, non inter Angelos, ubi purissimum lumen purissimis oculis intuebimur. Unde & virtus Altissimi obumbrabit Virgini, ne nimio splendore præstricta, divinitatis fulgor etiam illa singularis aquila tolerare non posset. Ad hoc autem carnem eis proposuit, ut omnem cogitatum eorum ab humanis rebus ad carnem suam(qua & mira-

Cur Deus in carne se visibilem præbuit.

*al. vivimus.
d Thren. 4.d

e Ioan. 4

f Luc. 24.

& mirabilia dicebat, & mirabilia faciebat) adunaret, & sic de carne transferret ad spiritum, quia spiritus est DEUS: & eos qui adorant eum, in spiritu & veritate oportet adorare^e. Non tibi videtur eis intellectum illuminasse, cum aperuit illis sensum ut intellegent scripturas, ostendens quia hæc oportebat Christum pati, & resurgere à mortuis, & ita intrare in gloriam suam^f?

Sed illi sanctissimæ carni eius assuefacti, verbum de discessu eius audi dire non poterant, ut eos relinquaret, pro quo omnia reliquissent. Quare hoc? Quia intellectus illuminatus erat, sed nondum purgatus affectus. Unde & benignus magister blandè eos ac dulciter consolabatur, dicens^g: *Expedit vobis ut ego vadam. Si enim non abiero, Paracletus non veniet ad vos. Sed quia hæc locutus sum vobis, tristitia impletivit cor vestrum.* Quid est quòd Christo commorante in terris, Spiritus sanctus ad eos venire non potuit? An carnis illius consortium abhorrebat, quæ de ipso & per ipsum in Virgine & de Virgine matre concepta erat & nata? Absit; sed ut ostenderet nobis per quam ambularemus viam, formam apponere cui imprimeremur. Et illi quidem illis plorantibus elevatus in cœlum Spiritum Sanctum misit, qui affectum eorum, id est, voluntatem mundavit, imò potius alteravit, ut jam magis Dominum velint ascendisse, quam^h priùs detinuisse voluerant. Impletum est quod eis prædixerat^h: *Vos autem contristabimini, sed tristitia vestra convertetur in gaudium.* Sic ergo eorum intelligentia per Christum illuminata est, & voluntas emundata per Spiritum; ut sicut bonum noverint, sic & velint, quod solum perfecta religio vel religiosa perfectio est.

Recordor nunc Helisæi sancti, qui cum Helias dixisset, ut in discessu vel ascensu suo postularet quod vellet, respondit: *Oro ut fiat spiritus tuus duplex in me. At ille: Rem difficilem postulasti: attamen si videris quando tollar à te, erit quod petistiⁱ.* Nonne tibi videtur Helias ascendentis Domini signare personam, Helisæus verò chorū apostolicum in Ascensione Christi anxie suspirantem? Sicut enim Helisæus ab Helia nullo pacto avelli poterat, sic nec Apostoli à Christi præsentia poterant separari. Vix enim tandem eis persuasit, quia sine fide impossibile esset placere DEO. Quis est ergo spiritus iste duplex qui queritur, nisi illuminatio, intellectus, & affectus purgatio? Res difficilis, quia ratus in terris est qui illum habere mereatur. *Attamen, inquit, si videris quando tollar à te, eris quod petiisti.* Nihil est quod propter hoc habeant perdere vel debeant alumni tui Domine JESU, quia videntibus illis es elevatus in cœlum, & desiderantibus oculis te sequuti sunt gradientem in multitudine fortitudinis tuæ. Yel certè spiritum duplē dicere possumus illud quod Salvator ad Discipu-

i 4. Reg. 2. b
Helias in cœlum subre-
Etius Christi
ascendentis
typus.Rari quorum
intellectus il-
luminatus &
affectionis pur-
gatus.Spiritus du-
plicis expu-
stus.

De Ascensione Domini, Sermo III. 275

Discipulos ait ^k: *Qui credit in me, opera quæ ego facio, & ipse faciet,* & ^kIoan. 14.5
maiora horum faciet. Nonne maiora Christo, per Christum tamen, fecit
 Petrus de quo legitur ^l, *quia in plateis ponebantur infirmi in lectulis, ut re-* ^lAutor. 5.c
niente Petro saltem umbra illius obumbraret quemquam illorum, & liberare-
tur ab infirmitatibus suis? Nusquam enim Dominus umbra sua invenitur
 infirmitates sanasse.

Non dubito ergo intellectum omnium vestrum qui h̄ic estis, illuminatum esse: sed non affectum æque esse purgatum, manifestis approbabō *Vita religiose*
 conieeturis. Omnes quod bonum est nostis, & viam per quam incedere *studia quam*
 & quomodo in ea incedere debeatis, sed voluntas non una est. *Quidam* *dispari volun-*
 enim ad omnia viæ & vitæ huius exercitia non solum ambulant, sed & *tatis affectus* *colantur.*
 currunt, imò potius volant, ut eis & vigiliae breves, & cibi dulces, & pan-
 ni suaves, labores non solum tolerabiles sed & appetibiles videantur.
Alii autem non sic, sed corde arido & affectione recalcitrante, vix tra-
 huntur ad hæc, vix gehennali timore compelluntur. *Quosdam* nec com-
 pellimus quidem, quibus frons mulieris meretricis facta est, & nolunt eru-
 bescere. Sunt iterum multi inter nos qui de uno pane comedunt nobis-
 cum, dormiunt nobiscum, cantant nobiscum, laborant miseri & misera-
 biles, utpote socii tribulationis, sed consolationis non ita. Nunquid ab- *Ad vita religiose*
 breviata est manus Domini, ut omnibus donare non possit, qui aperit *giose munia*
 manum suam, & implet omne animal benedictione? Quid ergo in cau- *cur plerique*
 sa est? Illud omnino, quia non vident Christum cum tollitur ab eis, id *tam torpide*
 est, non cogitant quomodo eos orphanos reliquerit, quod peregrini & *& tepidi.*
 advenæ sint super terram; quod tamdiu fæculenti corporis horrido car-
 cere teneantur, & non sint cum Christo. Huiusmodi autem si diu ita per-
 manserint sub onere, aut opprimuntur & succumbunt, aut quodammodo
 in inferno sunt, ut nunquā ad plenum respirent in lucem miserationum
 Domini, nec in libertatem spiritus, quæ sola facit jugū suave, & onus leve.

Inde autem tam perniciosa tepiditas emanat, quia affectus, id est, *Perniciosa te-*
 voluntas eorum nondum purgata est, nec bonum sic volunt sicut nove- *piditas unde,*
 runt à propria concupiscentia abstracti graviter & illecti. Amant enim *Consolationes*
 in carne sua terrenas consolatiunculas, sive in verbo, sive in signo, sive in *carnis & spi-*
 facto, sive in aliquo alio, & hæc interrumpunt aliquando, non tamen pe- *rius fæse non*
 nitus rumpunt. Inde est, quod raro affectiones suas dirigunt in Deum, & *compatiun-*
 eorum compunctione non continua, sed horaria est. Impleri autem visita- *tur.*
 tionibus Domini anima non potest, quæ distractionibus subiacet, &
 quanto magis illis evacuabitur, tanto amplius istis implebitur, si mul-
 tum, multum; si parum, parum. Vel certè si magis probas, nun-
 quam istæ illis misceri poterunt in æternum; quia ubi vacua non

Sermones S. Bernardi.

M m

invenit

* al. mitti-
tur.

* Apoc. 3.2

*Renunciare
delicis carnis
initio grave,
postea suave.*

m Ps. 103.c*

* Gen. 6. d

* Exod. 7

* Actor. 5.

* Thren. 3.c

invenit oleum, stare necesse est : nec mittunt* vinum novum nisi in utres novos, ut ambo conserventur. Neque enim spiritus & caro, ignis & tepiditas in uno domicilio commorantur, præsertim cum tepiditas ipsi Domino soleat vomitum provocare°.

Sic enim Apostoli adhuc carni Dominicæ inhærentes, quæ sola sancta, quia Sancti sanctorum, erat, Spiritu sancto repleri nequierint, donec tolleretur ab eis ; tu carni tuae, quæ sordidissima est, & diversarum spuriæ phantasias repleta, astrictus & conglutinatus, illum meracissimum Spiritum te posse putas suscipere, nisi carneis istis consolationibus funditus renunciare tentaveris ? Revera cum incepferis, tristitia implebit cor tuum : sed si perseveraveris, tristitia tua convertetur in gaudium. Tunc enim purgabitur affectus, & voluntas renovabitur, vel potius nova creabitur : ut omnia quæ primò difficulta, imo impossibilia videbantur, cum multa percurrantur dulcedine & aviditate. *Emitte, inquit**, *spiritum tuum, & creabuntur, & renovabis faciem terræ.* Sicut per faciem exterior homo cognoscitur, sic per voluntatem demonstratur interior. Emisso ergo spiritu creatur & renovatur facies terræ, id est, terrena voluntas fit cœlestis, parata ad nutum cœtiūs obediens. Beati qui tales sunt: qui non solum malum non sentiunt, sed in mira quadam cordis dilatatione commorantur. De illis enim quos supra commemoravimus, terribiliter ait Deus ° : *Non permanebit spiritus meus in hominibus istis, quia caro sunt, id est carnales : & quicquid in eis spiritus fuerat, in carnem evanuit.*

Quia igitur, charissimi hodierna dies est in qua sponsus aufertur à nobis, & non sine tumultu aliquo animorum nostrorum : ad hoc tamen ut mittat nobis Spiritum veritatis, ploremus & oremus, ut dignos nos inveniat, vel potius efficiat, & replete domum istam, ubi sumus sedentes, quatenus non vexatio, sed unctio eius doceat nos de omnibus : sique & intellectu clarificato, & affectu purificato veniat ad nos, & apud nos faciat mansionem. Et sicut serpens Moysi devoravit omnes serpentes magorum °, sic iste cum venerit, absorbebit omnes carnales affectiones & delectationes nostras & consolationes, ita ut de labore requiem, de tribulatione lætitiam, de contumelia gloriam habeamus, sicut illi quos repleverat, ibant gaudentes à conspectu concilii; quoniam digni habitu sunt pro nomine JESU contumeliam pati P : Spiritus enim Jesu spiritus bonus, Spiritus sanctus, spiritus rectus, spiritus dulcis, spiritus principalis : quicquid in hoc sæculo nequam videtur difficile & angustum, leve facit, & latum : opprobrium gaudium judicat, despectionem exultationem esse persuadet. Scrutemur ergo, juxta Prophetam I vias nostras, & studia nostra,

De Ascensione Domini, Sermo IV. 277

nostra, levemus corda nostra, cum manibus ut in solemnitate Sancti Spiritus gaudeamus, & abundantius gaudeamus, qui nos inducat in omnem, sicut promisit Deus Filius veritatem.

IN FESTO ASCENSIONIS.

De duabus malis Ascensionibus, Dæmonis & primi hominis, & sex bonis, Christi & nostris.

S E R M O I V.

SI Nativitatis & Resurrectionis Dominicæ digna devotione solennia celebramus, hodiernum quoque Ascensionis diem non minus devotè convenit celebrari. In nullo siquidem à festivitatibus illis ista degenerat, sed finis earum & adimpleti est. Merito quidem solemnitatis & lætitiae dies agitur, quando sol ille supercœlestis, sol justitiae nostris se præsentavit obtutibus, nube carnis, & mortalitatis facco fulgorem suum & lucem temperans inaccessibilem. Magna quoque lætitia & exultatio multa nimis, quando consilio facco, lætitia circundatus est, factaque de medio facci ipsius non quidem substantia, sed vetustate, sed corruptione, sed miseria, sed utilitate, nostræ dedicavit primordia resurrectionis. Verumtamen quid mihi & solemnitatibus istis, si conversatio mea usque adhuc detinetur in terris? Quis verò vel desiderare præsumeret ascensum cœli, nisi quia is qui descenderat, prior ascendit? Dico ergo vobis, non multò mihi tolerabilior videretur exilii huius habitatio, quam gehenna, nisi Dominus Sabaoth reliquisset nobis semen fiduciae & expectationis, quando elevatus est in nubibus, & spem fecit credentibus. Denique *nisi ego abiero, inquit^a, Paracletus non veniet ad vos.* Quis Paracletus? Utique ^aIoan. 16. b per quem diffunditur charitas, & jam ipsis non confundit, ille Paracletus, per quem in cœlis sit conversatio nostra, virtus ex alto, per quam sursum sunt corda nostra. *Vado, inquit^b, parare vobis locum: & si abiero, iterum veniam, & assumam vos ad me ipsum.* *Vbi enim fuerit corpus, ibi congregabuntur & aquila.* Vides ne quemadmodum cæterarum solemnitatum ea quam hodie celebramus, & consummationem habeat, & fructum declareret, & augeat gratiam.

Sicut enim cætera omnia eius qui nobis natus est, & nobis datus, ita ipsa quoque ipsius Ascensio propter nos facta est, & facit pro nobis. In nostra siquidem vita, multa, quantum in nobis est, videmur agere casu, multa necessitate, sed Christus Dei virtus & Dei sapientia neutri potuit subiacere. Quæ enim Dei virtutem necessitas cogeret, aut quid ageret *Omnia Christi Dei Sapientia casu?* Omnia proinde quæcumque loquutus est, quæcumque gesta, certo consilio & mæ-

*Hodiernæ sa-
lemnitatis e-
logia.*